



«ԳԱԶՊՐՈՄ ԱՐՄԵՆԻԱ» ՓԲԸ
«ԷՅ-Ի-ԶԻ-ՍԵՐՎԻՍ» ՍՊԸ

ՊԱՅՄԱՆԱԳԻՐ

ԳԱԶԱՍՊԱՌՄԱՆ
ԿԵՆՑԱՂԱՅԻՆ
ՀԱՄԱԿԱՐԳԻ
ՏԵԽՆԻԿԱԿԱՆ
ՍՊԱՍԱՐԿՄԱՆ ԵՎ
ՀՐԱՀԱՆԳԱՎՈՐՄԱՆ

ԿԱԶՄԱԿԵՐՊՈՒԹՅԱՆ ԳԱԶԱՍՊԱՌՄԱՆ ԿԵՆՑԱՂԱՅԻՆ ՀԱՄԱԿԱՐԳԻ
ՏԵԽՆԻԿԱԿԱՆ ՍՊԱՍԱՐԿՄԱՆ ԵՎ ՀՐԱՀԱՆԳԱՎՈՐՄԱՆ
ԾԱՌԱՅՈՒԹՅՈՒՆՆԵՐԻ ՎՃԱՐՈՎԻ ՄԱՏՈՒՑՄԱՆ

ՊԱՅՄԱՆԱԳԻՐ ԹԻՎ 703-1469

ք. Երևան « 17 » Մարտ 2026 թ.

Ջալալապետյան ալթաբանկայն
(կազմակերպության, ձեռնարկության անվանումը)

այսուհետ Պատվիրատու, ի դեմս ալթաբանկայն զոքթեկ կապալիզի Գ. Իսախանյան
(պաշտոն, անուն, ազգանուն)

որը գործում է _____ հիման վրա և «Գազպրոմ Արմենիա» ՓԲԸ «Էյ-Ի-Ջի-Սերվիս» ՍՊ Ընկերությունը՝ այսուհետ՝ Կատարող, ի դեմս Ընկերության տնօրեն Ջենրիխ Հարությունյանի, որը գործում է Ընկերության կանոնադրության հիման վրա, մյուս կողմից, միասին հիշատակման դեպքում՝ Կողմեր, կնքեցին սույն պայմանագիրը՝ այսուհետ՝ Պայմանագիր, հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Կատարողը պարտավորվում է մատուցել Պատվիրատուի գազասպառման կենցաղային համակարգի տեխնիկական սպասարկման և հրահանգավորման ծառայություններ՝ այսուհետ Ծառայություններ՝ _____

Վ. Գյումրի, Մուսաբեկյան 8 հասցեում՝ այսուհետ Օբյեկտ:
(գործունեության հասցե)

- 1.2. Ծառայությունները ներառում են՝
- ա) գազատար խողովակների և գազօգտագործող սարքավորումների արտաքին զննում, զոդակարերի, պարուրակային միացումների կիպության ստուգում, իսկ գազի արտահոսքի առկայության դեպքում՝ դրա վերացում:
 - բ) գազասարքերի ծխատար խողովակների հավաքակցման, ծխատար ուղուն միացման, օդափոխության և այրման համար անհրաժեշտ օդաքանակի ներհոսքի համար նախատեսված բացվածքների զննում, ծխաօդատար ուղիների քարշի ստուգում:
 - գ) գազօգտագործող սարքավորումների աշխատանքի ստուգումը՝ գործարկված վիճակում: Անհրաժեշտության դեպքում բաց այրման խցով գազօգտագործվող սարքավորումների այրման պրոցեսի կարգավորում:
 - դ) գազասպառման կենցաղային համակարգի անվտանգ օգտագործման վերաբերյալ սպասարկման պահին Օբյեկտում ներկա գտնվող Պատվիրատուի գազասպառման համակարգի հետ առնչություն ունեցող աշխատակիցների հրահանգավորում:

- 1.3. Պատվիրատուի գազասպառման կենցաղային համակարգի գազօգտագործող սարքավորումները և դրանց քանակը, ինչպես նաև Կատարողի կողմից Ծառայությունների մատուցման ժամանակացույցը սահմանվում են սույն Պայմանագրի անբաժանելի մաս հանդիսացող Հավելված թիվ 1-ում:
- 1.4. Սույն Պայմանագիրը ուժի մեջ է մտնում Կողմերի կողմից ստորագրելու պահից և գործում է 3/երեք/ տարի ժամկետով:

2. ՊԱՅՄԱՆԱԳՐԻ ԳԻՆԸ ԵՎ ՎՃԱՐՄԱՆ ԿԱՐԳԸ

- 2.1. Մեկանգամյա Ծառայության գումարը կազմում է 7350 (գումարը թվերով) լ. յ. թ.
հազար կեսի հարյուր հիսուն) ՀՀ դրամ՝ ներառյալ ԱԱՀ:
- 2.2. Սույն Պայմանագրի գինը կազմում է Պայմանագրի գործողության ողջ ընթացքում մատուցված Ծառայությունների գումարի հանրագումարը:
- 2.3. Պատվիրատուի կամ նրա ներկայացուցչի կողմից Ծառայությունների հանձնման-ընդունման ակտի (Հավելված թիվ 2) հաստատումը (ստորագրումը) նշանակում է Պայմանագրի 1.1 կետում նշված Ծառայությունների ընդունում:
- 2.4. Պատվիրատուն Կատարողին վճարում է սույն Պայմանագրի 2.1 կետով սահմանված գումարը Ծառայությունների հանձնման-ընդունման ակտը երկկողմանի ստորագրելուց և հաշիվ ապրանքագիրը Պատվիրատուի կողմից ստանալուց հետո՝ 5/հինգ/ աշխատանքային օրվա ընթացքում:
- 2.5. Պատվիրատուն Կատարողի կողմից մատուցված Ծառայությունների դիմաց վճարում է անկանխիկ՝ կատարողի բանկային հաշվին փոխանցելու եղանակով:
- 2.6. Պայմանագիրը կնքելուց հետո Կողմերի փոխադարձ համաձայնությամբ Պատվիրատուն կարող է վճարել կանխավճար, իսկ վճարման ենթակա գումարի մնացած մասը՝ Ծառայությունների հանձնման-ընդունման ակտը երկկողմանի ստորագրելուց և հաշիվ-ապրանքագիրը Պատվիրատուի կողմից ստանալուց հետո՝ 5/հինգ/ աշխատանքային օրվա ընթացքում:

3. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

- 3.1. Կատարողը պարտավոր է՝
 - 3.1.1. Ծառայությունները մատուցել պատշաճ որակով:
 - 3.1.2. Ծառայությունները մատուցել անձամբ:
 - 3.1.3. Ծառայությունները մատուցել սույն պայմանագրով սահմանված ժամկետներում և ծավալներով:
 - 3.1.4. Մատուցել վճարովի Ծառայություններ սույն Պայմանագրի գործողության ողջ ընթացքում՝ համաձայն Հավելված թիվ 1-ում նշված սպասարկման ժամանակացույցի:
 - 3.1.5. Պատվիրատուի պատշաճ հայտի /կանչի/ հիման վրա, աշխատանքային օրերին և ժամերին մատուցել անվճար Ծառայություն:

- 3.1.6. Պատվիրատուին պատշաճ ծանուցել Ծառայությունների մատուցման ժամկետների վերաբերյալ:
- 3.1.7. Պատվիրատուի գազասպառման կենցաղային համակարգում խախտումներ հայտնաբերելու դեպքում կազմել խախտումների վերաբերյալ արձանագրություն 3/երեք/ օրինակից՝ մեկական օրինակ Պատվիրատուին, Գազամատակարարին և Կատարողին, անհրաժեշտության դեպքում իջուցիկ կետը խցափակել և կնիքել հոլոգրաֆիկ կնիքով:

3.2. Պատվիրատուն պարտավոր է՝

- 3.2.1. Գազասպառման կենցաղային համակարգում օգտագործել բացառապես տեխնիկական ստանդարտներին համապատասխանող գազօգտագործող սարքավորումներ, օդափոխության նպատակով նախատեսված ուղիները չօգտագործել որպես ծխատար, ծխաօդատար ուղիներում քարշի բացակայության /խաթարված լինելու/ դեպքում չօգտվել գազօգտագործող սարքավորումներից, պահպանել բնական գազի օգտագործման անվտանգության այլ պահանջները:
- 3.2.2. Գազասպառման կենցաղային համակարգում փոփոխություններ կատարելու դեպքում Կատարողին անհապաղ ներկայացնել այդ փոփոխությունների մասին պատշաճ տեղեկատվություն:
- 3.2.3. Սույն պայմանագրով սահմանված ժամկետներով և կարգով վճարել Կատարողին մատուցված Ծառայությունների համար:
- 3.2.4. Կատարողի կողմից Ծառայությունները իրականացնելու ժամկետների վերաբերյալ ծանուցում ստանալու դեպքում ապահովել Կատարողի կամ նրա ներկայացուցչի մուտքը Օբյեկտ և չխոչընդոտել նրա/նրանց/ պարտականությունների կատարմանը:
- 3.2.5. Կատարողին ներկայացնել Օբյեկտի գազասպառման համակարգի վերաբերյալ բոլոր փաստաթղթերը:
- 3.2.6. Կատարողին տրամադրել իր գազասպառման կենցաղային համակարգում հայտնաբերված անսարքությունների վերացման համար անհրաժեշտ սարքեր, պահեստամասեր:
- 3.2.7. Գազամատակարարման դադարեցման ակտի առկայության դեպքում 5/հինգ/ աշխատանքային օրվա ընթացքում Կատարողին տրամադրել ակտի կրկնօրինակը, իսկ գազամատակարարման վերականգնման դեպքում նախօրոք պատշաճ ժամկետում ծանուցել Կատարողին ներկայացուցիչ ապահովելու նպատակով:
- 3.2.8. Կատարողի կողմից գազասպառման կենցաղային համակարգում արձանագրված խախտումները վերացնել արձանագրության մեջ նշված ժամկետում և պատշաճ տեղեկացնել Կատարողին:

